

Coem Coung" goo" Shang Lhe"

V1. (Jhed Dab da" byen cang" mang: nhoung" yi dangain"

he: jo, yoo mo ju" zeung: aseing: jeju" nghoid

Moug: zhoung: moug: pyi: bid thu' bid vang kha" yhi' vi: loug we'

ngei pyo: goug yi myid yo' aseing: jeju" ri coem coung" ga shang)²

Cho: (Halleluya phain" aseing: ri coung")

(Halleluya ne" jheju" ri coung")

Myhang: thang mang" soo: nyha" da" mang" soo: nghoid'

Solo + V1+ (Cho)²

Lhid" Su: D Ah Yoo

Phaji" Khyoo:

V1. Mougmyid phaji" ri si sho ngoo nham: ho' yi ri khyoo: shid gyid shid byid:

yhed yo' ba" eig tang: da" jeju" nyang: nghoid.

V₂. Jhed dab seung" no, da" myid yo' se gyo: yo" yu baja" ga:

jhoug" mho' tid kyo" sara: dangain" jeju" ri so".

Cho: Ngoo nham: ho' yi main yo" da" phaji" aseing: da" jeju" ri: coung"

oung: gyeung: nheigboo sho' phaji" ri yoem: kaid loem ge" da" vhu"
jhung: bui" ca"

phoug" dab da" bid moug ri zhung" lho: mang" soo: shid byu myu"
shidre"

myo, nhoo: tu: to' yhi: wa/ ngoo nham: ho' yi khyoo: shu" wa...

Solo + V₁ + V₂ + (Cho)²

Lhid" Su: D Ah Yoo

Coung" Shang

Yesu ri nyhang" coung" nghei shang lo, baid, baid, lho: coung" nghei shang

vhoo" loem khyid, lo, go" nhoin lho: goung du: dangain" yo' coung".

(1,2,3,4)4

Rev. Laguid: Lang" Yoo

Myid Yu" Shi" We' Lhe"

V₁. Nang ngoo dangain" mang" soo: phain" to" byumyu" ga: zi

nang to" myhid nyid bye: la".

Pre: Nyha" da" myeing" dang: nyhang" aji ri hang" ji wa

nyha" da" lhid" cab nyhang" aci: ri hang" ci: wa

nang myid yu" shi" we'.

Cho: Nyha" da" khoin" thui: yo' phain" Aseing: ri coung" shang

main yo" da" khoin" thui: phoug" dab toung" ci: yhung: goo" shang' lhe".

Endin: Phain" Aseing: ri: jeju" boin: lang" nyha" byumyu" ri nang gyeing"gyeing" jhid' lang" gyi: sheing: da" byumyu" bue" yhi: sho' nang ngoo yoem kaid shang'.

Solo + V1 + Pre+ (Cho)2 + Endin

Lhid" Su: D Ah Yoo

Yoem: Kaid Shang

V₁. Kha: yhi vi: loug kha: yhi' myhang da" boug danyid" dabyi nang ci:
we

yhi: noug khyoo: boe' noug ja: dangain" nang yo" yu wa.

Pre: Myo, myang noo: gyoo: ca" bye: yhoeb' nyid ri nang thang: gyoo"
wa.

Cho: Akhid" nyid" nang ngoo dangain" loem khau: myid yo' lo, moo" zei:
ca" bye:

akhid" nyid" nang ngoo dangain" aseing: vho: khyo" kangso' dei ca"
bye:

Aseing: jhed da" byumyu" bue" doid sho' nang ngoo yoem: kaid shang.

Coda: Nang ngoo nheigloem: moo: yung" da" jhed myid yo' dage".

Solo + V1 + Pre + Cho+ Coda

Lhid" Su: D Ah Yoo

x

Jeju" coung"

V₁. Nhoid' yo' atho' tid myid moo atho soin: myo: myo: ne" jeju" joem myo" ngoo nung" dang moo byeing" shoin: sho' myo:.

V₂. Ayo, khang" moo" mo jo, yoo khang" moo" mo moo" zoo" khang" moo" mo khyoo: khaid' khang" moo" mo oung: myoug yo" bue" yu Aseing: jeju" ri coung" wa.

CHO. (haleluya)² Aseing: ri coung" o"

- Ne" jeju" ri coung"
- Aseing: ri jhed o"
- Aseing: ri phau" myang:

Athang' agoin jeju" nang moo yo" yu bye:

V₃. Ngei pyo: da" bid nyid youg: khe" da" bid nyid aseing: jeju" nghoid' ein: kham: yu

ngoo yo" da" yoem: so' Aseing: yoeb bang shid ci: yhung: wa.

Solo + V₃, (cho)²

Lhid" Su: D Ah Yoo

Nang Ri Za: Lang" Nyid

V₁. Phain" Aseing: nyid ga: nang to" myhid" nyid la".

Phain" aseing: jeju" ri boin: so" nyid la".

V₂. Khyoid Aseing: Yesu ri loem khoug: nyid la".

Khyoid Aseing: jhed myid ri khab yu bye:.

CHO. Aseing: tid to" mungdang: ri cang pyeing nyid la'

ne" da: kangso' venyi: shid: ri: kha: loo" wa myid yu" soin: yu" shi" we' Aseing: phang' to" khoem" duang; amyhid" shi" khyeing: ri loem khoug: khyoo: moo: zoug' za: yoem: kaid geung: teung' ca" bye:Aseing: Yesu nang ri za: lang" nyid.

Solo + V₁, V₂, CHO

Lhid" Su: D Ah Yoo

Yhouggyen: Thang'

V₁. Mougkhung: tho' moo myhang: thang' aseing nga" phoo' Mangsoo:
WU---WU--WU

nang ri za: zoo su" yoid nang ri za; gyid su" shid

nga" da: oung: khoug: venyi: moo/ nheigloem: moo:

Pre: Jo, moo: jo, dei moo dei dangain" phain" phoug' to" da" Aseing:

CHO. Nang ri za: ngoo loem wa nang ri za: ngoo coung" wa

nang abo ri ngoo byu ayo" bui" nang ri za: ngoo jhid wa

nang ri za: ngoo myid wa nang abo ri ngoo kang: ayo" dei

ngoo kangso' dei da" bid nyid khang" moo" yhouggyin: thang'

Aseing: nga" phoo' Mangsoo:

Solo + V₁, pre, (Cho)²

Lhid" Su: D Ah Yoo

Jeju" Bid Seig Ti"

V₁. Aseing: yu" coung: nyid jeju" bid shoem: khoug: young" shoeb nyid
o" yang" zain: nyid re" jeju" ri coung" atho' o".

V₂. Mougmyid: gyab byeung" sho' toung" zoo: Lacid nu" nang yo' dage"

nyid yab yhe: re" jeju" moo geung: teung nyid o"

Coda. Gyung: khyoo: thang' sho' nang pang" thoug nyid wa

phain" phoo" aseing: phoo' Mangsoo:

Cho: Young" shoeb bid xain" te" bo" xain" nhang: we' tungzoo: Lacid
nu" yi ri re" moo" zoo" mo khyoo: shid nyid we' o" shoid yoboo dangain"
nheig khyeig byid: wa ngoo loem: khoug: zi nang ri za bid thu bid vang
nang pang" thoug byid: wa.....

Solo + V₁, V₂, CHO

Lhid" Su:-----Lug Seing: Yeing" Zung"

A KOEM: Key - G Solow T-68 D. Ah Yoo

V₁. Nang khayhi' yung" loug we' nang khayhi' phaji" se' loug

Aseing: ri: a yo"nghoid ri: a koem: za:

V₂. Nang khayhi' myeing gyi: loug nang khayhi' yoo" zo: loug we'

Aseing: ri: a yo" nghoid ri a koem: za:

*CHO: Moug: myid moo ge thang' da" reing: thang da" da ngain"
akoem: za: da nghoid.. Mungdang: ri: nang loem' khoug: cang'
yhe: cang soo" ca" houg: lang gi: nang sha man" jhe" ju"
yoo" wa.....*

LHID" CAB JHOUG" SHANG' Key - D

country T -165 Ah Yoo'

*V₁. (Sa sa sa sa)² lacid lhid" cab jhoug" yhe: shang'. Lacid nu"
yi: sa sa sasa lhid" cab jhoug" phung: khyoo: yhe: shang'...*

*V₂. Nang yo' ngoo we' sa sa sasa (moug" nyid agi: thang: gyo"
wa le") lhid" cab jhoug" phung: khyoo: yhe: shang'. Byen cang"
yi: e" mang: nhung" yi: e" lacid lhid" cab jhoug" yhe: shang'.*

*CHO: Lacid lhid" cab ri: se' jhang: lo lang" moug: myid dang
tho' gyi: sheung: wa' Mangsoo: jhe" ju" kham: yu wa. Lacid
lhid" cab ri: yo" jhoug" yu' lang" byu myu" ri we' vhu" she: wa
lhid" cab jhoug" phung: khyoo: yhe: loo" shang'. A E I O U. B C
D F G. H J K L M. N P Q R S. T V W X Y Z...*

Mangsoo: Lo, Moo"

Cho: (Mangsoo: lo, moo" Mangsoo: phung" yoeb apyaid atoo: myang thang gyi: thang)²

V₁. Je" ju" yamo nganu" da" No' Ku" Jung yhoem: Mangsoo: nheig Khyeig nheig myid yamo shamain" byid: to" bye: Soin: to" khyoo: ri: Mangsoo: yu" cung: we'. Akhi" nyid" mo yo" xo' lo" da" khyoo: ri: Mangsoo: yu" cung: yu" goin nyid wa o".....

Atho' tid cung"

(Aseing: e" nang phain" too" da" moug: myid he: loem: joeb byeing" jo, zoo: wa shug wa ci: wa yhung: wa ci: aca" wa)²

Nga nham: ho' yi da" re" da" jeju" gi gye gyi jo,..... Lhid" Su" – Phari: Khoo" Yeing:

MYU" JHED" NGHEIG LOEM: Key – G T- 116

Lungbang Teing soug:

V₁. Lacid nu" yi: e" lacid nu" ngoid zi ri: nang to" myed nyid lha" nyhang" nyang: byu myu" si' ca" nyhang" nyang: ayang: si' ca".

V₂. Sabi" byu- xeig shab u" ri" nang kyoo" gyam wa lhe" goo lho' da myid yu" shang' lacid nu" yi: e"..

V₃ . Lacid nu" yi: e" lacid myeing" thui: ri: nang to" myed bye: lha" nya" myeing" ci: phyug' nghoid ri: nyha" byu myu" byoug loo" wa.

V₄ Lacid byu myu" gyeing" nghoid' ri: lacid khyoo: ri: cang yhe: shang myu" jhed myid bo boem shang lacid nu" yi: e"..

CHO : Lacid nu" yi: e" lacid seing" yi: e" lacid ngeig loem: booshang myu" jhed nheig loem: geung: geung: boo nyid shang..

Da Ngain" Mo' Coung"

(Zeing toug' mang" thui: yo' zoem go" coung" ngei wa ngei: pyo: ung: khoug: coung" thui: xoin" ngei" nyid wa..Nga" da" kang: so' venyi: aseing: ri: coung" ngei wa go" nhoin lho: ji: (khoin")2 wa)2...

CHO: Yug mo yug dei: mo dei mangsoo: ri: coung" shang..Nyid mo nyid dei mo dei mangsoo: ri: coung" shang phain" soo: a seing: da" je" ju" gyi: thang jo, nya: da" je" ju" joem ri coung" nghei nyid shang' yhoem: seing: mangsoo: je" ju" coung" nghei shang,....

Key – E^b country T- 165

Rev. Madeing Khoo" Boem

Haleluya Coung" Shang' key- Ab - rock D Ah Yoo

V1- Nang yo" ngoo ri: phain" kaid aseing: mangsoo: ri: coung" shang nang ngoo yooboo khyoid pyam' aseing: jhed myid ri: coung" shang.

CHO: Moug: myid tho' moo ne" jhed myid gi: yung" thang haleluya ne" jhed myid ri: coung" wa' nya" da" kang: so' nya" da" ve"nyi: dangain" yo' oung: khoug: nheig loem: moo nyhang" nu" coung" shang'./ aseing: jhed myid ri: nyhang" nu" coung" shang'..

Gyeing" shang: jhoem: mougsooug"

(Gyeing shang)³ gyeing" shang: jhoem mougsooug"Byu xangsu: shidre" kangso thang" cab' mougsooug"Mangsoo da" mung dang: jhoem: mougsooug"Phung" yoeb mougsooug" apyaid atoo: kangso mougsooug"

Cho. *Nyhangnu" tam" gyo: nyhangnu" lhid" xoem"Nyhangnu" nghab yu nyhangnu" tid kyo". Jhau" yu cang pyeing gyi: sheing: nyid boem shang'.*

Lhid" Su"---Phaji" Zoug: L.N Zung" Khoo"

Je" Ju"

(Aseing: je" ju" moug: myid tho' mo: moug" phoo: da" shamain" jhung:
shug nganu" adang' mo atho' tid myoo: lug jo,)²

Byu xangsu: ri: jhed da" nheig loem: gi: yoboo thoem" mo: khyoid yu
byid Aseing: ne" da" jeju" ri: khanham we' cung' nghei nyid wa
o"*****Lhid" su:::::Th.Sh Boem Yoo

Shid khyoo:

V₁. Yhi: ge' shid khyoo: yhi: ge' dangain" dage" za: yhe: Khristu gyizoo:
nu" yi ngoonu" boin: loo" ca" mougmyid Joeb sho' nga: da" mungdang:
ri: cang tid shid khyoo: yi: shang' nga nham ho' dage"

Cho: Nung zoid a zoid akhi" khoin' ze" su: yhang: ti" shid khyoo: janu:
yhe: lo: khristu mungdang: cang' tid moug khung: moo: bid mug shoug"
kham yu: wa.

Lhid" su: -----Srm. Lu Bu

Je" Ju" Myed So"

V1. Goonham' goo" co, mo yu ri loe jeung" lho: tungzo: Lacid yi phaji"
asi'

myid soin: khyoo: azhang' nyhoem: myi: yu myi: byid: khyoo:

yougphoo' zoo: mo, beug zoo: mang: nhung" dangain".

Yhid: coid zoo: noem shoug nheug coid moug: coid khoug:

goo" nham phyid" phoug" pyaid daboin: nyid lai loo" bye:.

V2. Nghoid loug we' khid" nyid" Mangsoo: ri loem jeung"

tungzoo: Lacid yi phaji" si' bye: myid soin: khyoo: azhang' myhang:

moug: myid he: loem: tho' phoug" dab byumyu" Mangsoo: ri se'
tungcid

aseing: da" jeju" dangain" coung" nghei' shang' jikhoin" khoin" thui:
yo zeing baid mang" baid coung" nghei'.

Cho: Gyi: thang yoem: moo" lo, nang za: danghoid Aseing: da" jeju"
kha nham we myed so" moug gyoeb goin" tid fu" nyid wa.
Yooboo thoem" khau: moo: khyoid yu shoug" bye: venyi: kangso
gyeing: jeju" main yoo" bye: myhang: thand da" mangsoo: da"
jeju" nghoid.

Solo: $V_1 + V_2 + (Cho:)^2$

XOIN" TO

V1.Kham: yu da" jeju" dangain" byeing" joeb bye: o". Kham: yu da" gug, shi" mei: loem: aseing: byid: to" da" byeing" joeb da" ngoonu" voogung-----

V2. Ngei pyo: nyid da" ngoonu" mougmyid yu" yu" kaid o". Yung" lho' da" ngoonu" yoo thung" gug, yham" yo, ju" bye:. Kham yu da" gug, shi" mei: loem: zheung" yu yo, jui" bye:. Shamain" byid: bye: kham: yu we' Aseing jeju" ri (coung" ngei)3 nyid shang'

Cho. Xung" thu bid zho: gug, yham" yo, jui" (oh-----ra)2 (oh-----ra)

Xung" thu bid zho: gug, yham" yo, jui" bye:.

Myhi' phoo' mang: nhung" yi ngei pyo: gau yi lho: aseing: jeju" jeju" coung" boem shang kham: yu da" tho' aseing: ri xoin" to' nyid boem shang'.

**Lacid Lhid" Cab Jhau" Yo' Sara: Bue" Jhoug"
Phung:
Jikhoin" Pug**

Lolang Voogung

24 apri - 6 may.2017

Lhid" Cab' ayoo" shi" yo,

**V1. Lai lo da" sam" void daboin: moo: tung: cid nu" yi bi" gi: nheig boo
oung: agyeing: yoomo tung: cid byumyu" yi gi: thang: dagyo" nyid lhe"
cho. Akhid nyid" Mangsoo khyoo: shed vhu" shi: bye: nang ngoo mau"
nyid agi loo: sa sa shid khyoo: tung: cid lhid" cab' jhau" phung: khyoo:.**

- Oh, yung" bye: tungzo: byu myu"
- Du bye: tungzo: nyid jang:
- Nga" phoo' qei lo zoo nyid ga byam
- Nya: myi tam lo nyid nang goo" jang:
- Tungbau thui: ri jhi nhei nhoid gi aein: ga: ja"
- Tung: sam: myeing ri: noo xei bain: gi: aein: ga: ja:
- Nya" nyang: ngei pyo: kho" sen: moug: yoo bye:
- Yab pyo: kho: sen: moug: nghoid bye:
- Xang: fang: lanu" aein: ga ja:
- Ngho' fang: khung" boeb aein: gaja:.

Tau Yu Nyid

(Pyo: thang' da" khidnyid" bidnyid ri ju" re" da myhi' phoo' mang: nhung" yi yhoem: seing: da" je" ju" khoug: moo: yang" zain: nyid go" la")2.

Yhoem: seing: da" pyeing: dang: dakhoin" ri ted kyo" kaid wa lhe".

Cho. E.E. myhi' phoo' yi --- Oh-Oh mang: nhung" yi mougmyid he: loem: gug, myheung' lo" nyid bye: - - - yhoem: seing: Yesu gug, yham" yo, ju" bye: myhang: thang da" moug tho' mo gyi: thang da" laboo" thui: moid loo wa ziri nang boin: nyid lha".

Byang Gain Yo,

(oh- -oh- -)2 (he- -he)4)2

Byang gain yo, ju" re" bye: o"

Pyo: pyo: da: byang gain yo, nghoid nab soin: no, no, to' lho: voem: yhung' wa nghain: jhu" yi we' gyo" lo ngam" loug we' jid: lhug' su: we' yhi: bye: vho" kung: yi we' loo" bye: myab myab cang lho: ri" we' (oh- -oh)2 (he-- - he)4)2

Lang" khyoem' gyeing: lo bid xain" ri" bye: gug, seig zoo: wa shid re" gug, shab lo" shang phau" phyid" yi we' pyo: bye: yoem: aseig doem yo" bye: zoo: myi: zoo: yam pyo: da" byang gain thu: mo yu" kaid ri hid: mo yu" kaid ri zoo: wa shug wa ci: aca" loo: o". Tungkoo"- jhungkoo'- phashoem: - nugshi" - lamei - lazei" - bunggyeob- nghang" - kholham" yoo moo we' byeing" bye: joem" moo we' byeing" bye: phain" too" su: ri je" ju" coung" ngei shang' jab ceing baid kholhang' moid mang" baid lho: go" wa....dangain" bang: je" ju" coung" ngei shang zain khang" zain shamain" byid: wa shidre" akyu" mho' lho: jeju" cung" ngei shang.

Lacid Wim: Lhe''

V1. Goonham' goo'' co' mo voolang'' myeing yo'' nyid gyo'' lo bye: tungzoo: nu'' yi ga: o''
....byunyid dakung: gyidmoin dagyung: ... phain'' yug Aseing: main byid: o'' (nyhang'' we'')²
nga'' seing'' nyang: we'' mhoomyid: gyeing'' jo, Lacid wim: o''.

V2. Boem moug: nyoem'' moug: mo Lacid ung: gyo'' mang: nhung'' yi we'' ...
Lacid nyang: zoug: nyang: lhe'' Lacid alhoo: Lacid avoid nyhang'' nyang: tu: to' xo' yhe:
ca'' ngei: shab shang' lhe'' byu zeing Lacid su'' nyid shang lhe''.

V3. Gysoo: Mangsoo gi: shamain'' byid: to'' main kaid soo: to''... Lacid nu'' yi ga: o''
goo'' boem shang coung'' boem shang... nga'' myhi' nga'' phoo' mang: nhung'' yi we''
....akhid'' Lacid wim: boem shang o''.

Myid Yu'' Shang

V1. Lacid nu'' yi ayo, joem lid lo'' nyid bye: Lacid nu'' yi mougmyid agi loo: nyha''
da'' byumyu'' nyhang'' si ca'' sugi byu nyid bo myang ca'' nyha'' da'' mhoomyid:
nyhang'' si ca'' myu'' jhed nheigloem: bo nyid shang myid yu'' shang
lhe'' boin: so'' shang lhe''.

V2. Lacid nu'' yi age to'' myed nyha'' da'' myeing'' thui: Lacid nu'' yi phoug'' shuid agi lhe''
nyha'' da'' byumyu'' moo'' zoo'' ri subi'' azhang ri myhi: sho' nya: nyang: lo, yo' she: to' shang
myu'' ri thung'' ri jhed nyid shang myid yu'' shang lhe'' sham: shoin'' shang lhe''.

Cho. Yung'' lho' da: sam'' ved byumyu'' Lacid da'' khyoo: ri: athang: gyoo'' sho' nang
se' jhang: too'' ca'' tung: cid byumyu'' ri xo' tei'' shang.

Lacid Byu Nyid Gyung: Khyoo:

Tung: cid yi ato" myed boem shang tung: cid yi kha: khyo" nyid byo re".

Thang: phyang" bid myi: yam: zoo: xeig mo sung: soin: wim: mhoomyid: ted nyid shang

Shid phyang" mungnam: zoo: xeig mo nyid byo byubyoo ngalung: boem mo phoug" phyd" moug: sho: re" cung" dam balang: mo ju" re" bidnyid mo nyhang" nu" voolang myeing yo" bye: voojang" voolang" join: co' latung: bye: zakhung" zang" boug" tung: cid nya: zoo: yi ngophoo zoo: deing" yi tung: cid voolang" myeing ri tu" to' shang gung gyo: lid yo' avang wa voo: se: gyid yo' adeig (tung: cid)2 myu" jhed nheigloem: lhe".

Doem Gyoo" Ri" Wa

V1. Mougkhung:Mungdain myeing lhid" pug moo: re" myeing alhid" too" shi" la
Mougkhung: mungdain: nang yo" vang wa shid re" nang ci: sain" too" bye: lha".

V2. Aseing: dalheing: doem gyo" ri" wa loem khoug: bang: ri dangain" re" shu" wa nyang:
sain" to" zi nyang: re" yham" yu wa nang ci: sain" too" bye: la".

Cho. Khristu gyo" re" da" nyid ri: mougmyid xangsu: byu dangain" dei to' lho: dangain" ri
shu" loo" wa gau yi myo, nhoo: yo' shoug" goo" wa lhe".

Phajhi" Bid Mug

V1. Ayhei" nga" shi" ngoonham: ho' yi bi" zain moug: ajhu" xung" lid asheing: ngei pyo:
phajhi" jung yhoem: khoug: moo: a ...ein da cab phajhi" zhang: nyid ...ein: dacab ju: yhi:
phid: nyid hug nghoid ye" ri:

V2. Nga" Phoo' no, khyam: myhi' um shi" khyoem: myhi' bi" o" bougkhyu: ci zoo" phoug" zi
yo, pyoebcid kyangzoo zho" wigi nga" shi" ngoonham: ho' yi shid re" zoo: neom ci: noem
yhang: noem shug noem axi: goug: tu: moo" voin yen" boem aja:.

Nga" shi" ngoonham: ho' bi" phajhi" bid mug khanham' shoug" zhung" wa lha" ju: yi: sheing:
khuang: kha: nham' shoug" void wa lha" gya we" ngoo we".

Aseing: Ri: Khoug: Nge:

Aseing: ri: ajang" ngoo shed nyang: shid khoin" moo ajang" nyid nau nya: da" venyi: khoug:
nge: je nyang: jhang' nau loug we' (jhang noug loug we')²

Nyang: myeing khyang" moo ajang" jhang nhang: we'.

Cho. Ngoo ajang" lang" nyid phung" gyi: da" su: nya: myeing khyang" moo ajang' jhang
nhang: we')² ngoo loem khoug: nyid wa phung" gyi: da" su: nya: myeing khyang" moo:
ajang" jhang' nhang: we'.

Khyoo: Shid Byid: Lha"

V1. Nang dougno: da" akhyeing: aseing: ri za: myid boin: kaid we'.....

Nang myoung: doug da" akhyeing: aseing: riza: myid soin: kaid we'.....

Nang moo: ca" nyid zi dangain" aseing: nyang: se' nyid nghoid.

V2. Nang voem: yoid nyid da" u" aseing: riza: gyid su" shed we'....

Nang jamjau nghoid loug we' aseing: riza: boin: so" nyid we'....

Nang Kha: joyoo moo: ju" loug we' aseing: gi:

nang yo' dage" za:.....

Pre. Khyo, nyhoem: myid yo' aseing: ri coung" ngei

bang: dangain" apyaid atoo: kangso' ri: yoo" wa....

Cho. Aseing: riza: coung" ngei wa aseing: riza: ngoo: jhed wa

Nga" da" kangso' dei nyid bid khang" moo" aseing:

nang yoza: dage" nyid nau aseing: ne" gyeing" shang:

venyi: yo"khyoo: shid byid: la'..

(V1+V2 pre+ Cho)...solo ...V2 ... (Pre cho)2-

- Oh, yung" bye: tungzo: byu myu"
- Du bye: tungzo: nyid jang:
- Nga" phoo' qei lo zoo nyid ga byam
- Nya: myi tam lo nyid nang goo" jang:
- Tungbau thui: ri jhi nhei nhoid gi aein: ga: ja"
- Tung: sam: myeing ri: noo xei bain: gi: aein: ga: ja:
- Nya" nyang: ngei pyo: kho" sen: moug: yoo bye:
- Yab pyo: kho: sen: moug: nghoid bye:
- Xang: fang: lanu" aein: ga ja:
- Ngho' fang: khung" boeb aein: gaja:.

- Oh, yung" bye: tungzo: byu myu"
- Du bye: tungzo: nyid jang:
- Nga" phoo' qei lo zoo nyid ga byam
- Nya: myi tam lo nyid nang goo" jang:
- Tungbau thui: ri jhi nhei nhoid gi aein: ga: ja"
- Tung: sam: myeing ri: noo xei bain: gi: aein: ga: ja:
- Nya" nyang: ngei pyo: kho" sen: moug: yoo bye:
- Yab pyo: kho: sen: moug: nghoid bye:
- Xang: fang: lanu" aein: ga ja:
- Ngho' fang: khung" boeb aein: gaja:.

- Oh, yung" bye: tungzo: byu myu"
- Du bye: tungzo: nyid jang:
- Nga" phoo' qei lo zoo nyid ga byam
- Nya: myi tam lo nyid nang goo" jang:
- Tungbau thui: ri jhi nhei nhoid gi aein: ga: ja"
- Tung: sam: myeing ri: noo xei bain: gi: aein: ga: ja:
- Nya" nyang: ngei pyo: kho" sen: moug: yoo bye:
- Yab pyo: kho: sen: moug: nghoid bye:
- Xang: fang: lanu" aein: ga ja:
- Ngho' fang: khung" boeb aein: gaja:.